

Այս ընծայելիքները ստանալէ ետք իշխանութիւն մատուցանելու Ա. Պատարագ, իրենց անդրամիկ օրհնութիւնը տուին ժողովուրդին:

Պատրիարք Արքազան Հայրը իր յորդորական խօսքին մէջ ըսաւ. «Ուրախութեան եւ Ուխտի օր է այսօր, Արքոց Յակոբեանց Միաբանութեան եւ մեր ժողովուրդին համար»: Եւ յորդորեց նորընծաներուն յանախ անդրադառնալ իրենց ուխտառութեան այս օրուան, մնալով միշտ «մշակ առանց ամօրոյ»:

«Ողջոյնի» պահուն, Պատրիարք Արքազան Հայրը եւ Հոգեւորական Հայրերը մտեցան ի համբոյր նորընծաներուն նորած ճակատին եւ աչին:

Պատարագի աւարտին, եկեղեցւոյ դասին մէջ, մինչ նորընծաները գրակալներու վրայ գետեղուած Աւտարաններու ընթերցումը կը կատարեն, դպիրներ եւ ժողովուրդը աջահամբոյրի մտեցան:

- Կէսօրէ ետք, ժամերգութեան աւարտին, նորած ընծայելիքները Պատրիարք Հօր ձեռամբ ստացան կուսակրօն քահանայի վեղարի օրհնութիւնը:

Իրիկնադէմին, Պատրիարքադի վարդապետաց ճաշարահին մէջ, միաբանութեան եւ աշակերտութեան մանակցութեամբ, տեղի ունեցաւ Միաբանական ընթրիք: Եղան բարի մաղթանքի խօսքեր, եւ Նորընծայ Տ.Նորայր Արդ. Գազզեան, իր օծակից եղբայրներուն անունով, իրենց երախտագիտութիւնը յայտնեց իրենց տրուած կրթութեան համար, խնստանալով հաւատարմօրէն ծառայել Աստուծոյ եւ իրրեւ անդամներ Արքոց Յակոբեանց Միաբանութեան:

Նորընծաները իրենց «Քառասունքի» պատրաստութեան շրջանը պիտի անցընեն Բեթղեհէմի Ա. Մննդեան Տաճարին կից Հայոց Վանքին մէջ:

ՎԱՆԻԿ ՎՊԻ. ՄԱՆԿԱՍՏՐԵԱՆ

ԱՄՄԱՆԻ ԻԻԶՊԱՇԵԱՆ-ԿԻԻԼՊԷՆԿԵԱՆ ՎԱՐՃԱՐԱՆ

Ամամի Իւզպաշեան-Կիւլպէնկեան Նախակրթարանի եւ Մանկապարտէզի ամսական հանդէսը տեղի ունեցաւ «Թերա Սանթա» մշակութային կեդրոնի սրահին մէջ, նախագահութեամբ Վերատեսուչ Գեր. Տ. Վահան Արք. Թօփալեանի: Նախակրթարանը ունեցաւ 14 շրջանաւարտներ, որոնք նոյնացուցին յայտագիրը խմբերգներով, հայ եւ արաբ հեղինակներու բանաստեղծութեանց արտասանութիւններով, եւ իրենց սրտագեղ ելոյթներով, Հայերէն, Արաբերէն եւ Անգլերէն լեզուներով:

Նոյնպէս Մանկապարտէզի Մաղիկ դասարանի աշակերտները իրենց ելոյթներով եւ երգերով խանդավառեցին ներկաները: Իսկ վերջին բաժինին մէջ Նախակրթարանի աշակերտութեան

խմբերգները նոյնացուցին յայտագիրը: Տնօրէնութեան անունով հանդէս կու գայ Տնօրէն Տիկին Նուարդ Ազիզեան: Իսկ ուսուցիչներէն Պր. Ժիրայր Զգրգեան իր սրտի խօսքը ուղղեց շրջանաւարտներուն, որմէ յետոյ Վերատեսուչ Արքազանը իր տեղեկագրութեամբ իր գնահատանքը յայտնեց ուսուցիչներուն եւ շրջանաւարտներուն, իրենց խղճամիտ աշխատանքին եւ ձեռք բերած գոհացուցիչ արդիւնքներուն համար, եւ իր երախտագիտութիւնը յայտնեց Վարժարանի բարեբարներուն եւ Տիկնանց Օժանդակ Մարմնի անդամներուն: Այս պարգեւատրեց շրջանաւարտները եւ բաշխեց վկայականները: Եւ հանդէսին վաւերմը կատարուեցաւ աղօթքով եւ «Հայրապետական Օրհներգով»:

Ս. Ս.